



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 11-04/02-04-32093-129/24  
Sarajevo, 20.08.2024. godine

## SKUPŠTINA KANTONA SARAJEVO

– ovdje–

**PREDMET:** Odgovor na zastupničku inicijativu – zastupnik Davor Čičić

Zastupnik Davor Čičić je Vladi Kantona Sarajevo i Ministarstvu za odgoj i obrazovanje Kantona Sarajevo, na 16. radnoj sjednici Skupštine Kantona Sarajevo, uputili zastupničku inicijativu, u skladu sa članom 213. Poslovnika Skupštine Kantona Sarajevo, citiramo:

*„Za finansijsku podršku polaznicima našim uspješnim učenicima iz Kantona Sarajevo polaznicima STEM akademije u Sarajevu na izborenu WRO Evropsku robotičku olimpijadu Open Championship Italy 2024 koje se održava u Brescia u septembru 2024. godine.*

### OBRAZLOŽENJE

*Polaznici programa STEM akademije u Sarajevu učestvovali su 09.06.2024. godine u Zenici na održanom takmičenju iz robotike WRO 2024, Bosnia and Herzegovina, gdje su osvojili srebrnu i bronzanu medalju u kategoriji Elementary. Drugoplasirana ekipa STEM Wizards, u sastavu Emin Žunić (11), Hamza Kadić (12) i Kaan Kapić (12) i trećeplasirana ekipa STEM Sparks, u sastavu Mirza Bašić (11), Lena Pavlović (11) i Lejla Omerović (11), sa trenerom Damikom Bradarićem, ostvarile su time pravo učešća na WRO Evropskoj robotičkoj olimpijadi Open Championship Italy 2024, koje se održava u Brescia u periodu 25.-28.09.2024. godine (<https://wro2024.it/>).*

*U prilogu ove inicijative dostavljam molbu udruženja „Steam Academy“ BiH za podršku ovim našim učenicima iz Kantona Sarajevo sa pojašnjenjem i obrazloženjem potrebnih finansijskih sredstava za učešće, kotizaciju i smještaj na spomenutoj Evropskoj robotičkoj olimpijadi. Smatram da Kanton Sarajevo i Grad Sarajevo u ovom trenutku mogu i moraju biti podrška ovim našim uspješnim i vrijednim učenicima i iz tog razloga podnosim ovu zastupničku inicijativu i tražim i molim navedne naslove da inicijativu podrže i pomognu ove naše mlade ljude da nas uspješno predstave na ovoj Evropskoj robotičkoj olimpijadi“*



## ODGOVOR:

U vezi sa predmetnim pitanjem, ovim putem Vas obavještavamo da Ministarstvo za odgoj i obrazovanje Kantona Sarajevo kontinuirano podržava sve naše učenike koji učestvuju na domaćim i međunarodnim takmičenjima, u okviru mogućnosti i raspoloživih sredstava u Budžetu Kantona Sarajevo.


Uvidom u molbu dostavljenu u prilogu predmetne inicijative upućenu od Association for STEM Education „STEM ACADEMY“, utvrđeno je da je ista nepotpuna, u smislu potrebnih podataka .

Naime, potrebno je da se podnosilac molbe obrati Ministarstvu za odgoj i obrazovanje Kantona Sarajevo i dostavi relevantnu dokumentaciju kao što je poziv za učešće ili sličan dokument iz kojeg se može nedvosmisleno zaključiti vrijeme i mjesto održavanja takmičenja i visina kotizacije, dokument koji sadrži pregled planiranih troškova kao i drugu dokumentaciju za koju podnosilac molbe smatra da bi mogla imati uticaja na rješavanje iste.

Nakon toga, Ministarstvo za odgoj i obrazovanje će podnesenu molbu razmotriti i utvrditi osnovanost finansijske podrške, a potom, shodno raspoloživim sredstvima u Budžetu Kantona Sarajevo za ovu namjenu odlučiti da eventualno djelimično ili potpuno finansijski podrži učešće naših učenika na ovakvim takmičenjima.

S poštovanjem,

**MINISTRICA**

  
*Naida Hota-Muminović*

Dostavit:

1. Naslovu,
- \*2. Stručna služba Vlade Kantona Sarajevo,
3. Evidenciji
4. Arhivi